

COVID-19

ԳԻՈՐԳԻ ԳԱԽԱՐԻԱ. «ՓԱՍՏԱՅԻ ԵՐԿԻՐՆ ԱՆՅԵԼ Է ՎԱՐԱԿԻ ԼԱՅՆԱԾԱՎԱԼ ՆԵՐՔԻՆ ՏԱՐԱԾՄԱՆ ՓՈՒԼԻ»

ՎՐԱՍՏԱՆՈՒՄ ԱՐՏԱՎԱՐԳ ԴՐՈՒԹՅՈՒՆԸ ԿԵՐԿԱՐԱԶԳՎԻ ՄԻՆՉԵՎ ՄԱՅԻՍԻ 10-Ը

Ապրիլի 14-ին Վրաստանի վարչապետ Գիորգի Գախարիայի նախագահությամբ անցկացվեց կորոնավիրուսի կանխարգելման հարցերով միջգերատեսչական համակարգող խմբի հերթական նիստը: Նիստում վարչապետը, հանրագումարելով կորոնավիրուսի կանխարգելման ուղղությամբ երկրում իրականացված միջոցառումները, հայտարարեց, որ մասնագետների հետ խորհրդատվությունների արդյունքում, ընդունվել է որոշում երկրում արտակարգ դրության երկարաձգման վերաբերյալ:



- Դիմում ենք նախագահին, առաջիկա օրերի ընթացքում դիմել խորհրդարանին՝ երկրի տարածքում արտակարգ դրությունը երկարաձգել մինչև մայիսի 10-ը: Սրանք անհրաժեշտ քայլեր են, որոնք պետք է շատ արագ ընդունվեն, որպեսզի անցնենք

վարակի տարածման դանդաղեցման փուլին,- հայտարարեց Գիորգի Գախարիան:

(Շարունակությունը՝ 2-րդ էջում)

10 ՕՐՈՎ ԱՐԳԵԼՎԵՑ ԵԼՔՈՒՄՈՒՏՔԸ ԹԲԻԼԻՍԻ, ՔՈՒԹԱՅԻՄԻ, ԲԱԹՈՒՄԻ ԵՎ ՌՈՒՄԹԱՎԻ

ՆՈՐ ՍԱՀՄԱՆԱՓՈՎՈՒՄՆԵՐ Ի ԼՐԱՑՈՒՄ ԱՐՏԱՎԱՐԳ ԴՐՈՒԹՅԱՆ

Վրաստանի կառավարությունը արտակարգ դրության երկարաձգման հետ միասին որոշում է ընդունել ներդնել նոր սահմանափակումներ: Մասնավորապես, կառավարության որոշմամբ, ապրիլի 15-ի ժամը 21:00-ից արգելվում է Թբիլիսի, Բաթումի, Ռուսթավի և Քութայսիի ելքումուտքն այն անձանց համար, ովքեր գրանցված չեն տվյալ քաղաքներում:

Ինչպես տեղեկացրել է ներքին գործերի նախարարությունը, վերոնշյալ քաղաքներից դուրս գալու սահմանափակումը գործարկվելուց հետո (հաշվի առնելով պարետային ժամը), կարող են միայն վերադառնալ այդ մուկիցիպալիտետներում գրանցված անձինք:

Վրաստանի կառավարության որոշմամբ, նշված սահմանափակումը չի վերաբերում բժշկական հաստատության աշխատակից-

ների՝ աշխատանքով պայմանավորված, միջազգային եւ տեղի բեռնափոխադրումներին, Վրաստանում հավատարմագրված դիվանագիտական կորպուսի անդամներին, ծառայողական երթևեկության ժամանակ, մեղադրյալների/կալանավորների փոխադրմանը, դրամական միջոցների, թանկարժեք մետաղների փոխադրմանը, էլեկտրաէներգիայի, բնական գազի,

չրի մատակարարման, հեռու-տախաղողակցության, փոստային եւ կենցաղային մնացորդների կառավարման հետ կապված տեղաշարժին, լրագրողական գործունեության իրականացման նպատակով տեղաշարժին, սգո ծառայությանը, միջազգային կազմակերպությունների մարդասիրական նպատակներով տեղաշարժին, մասնավոր անվտանգության գործունեության իրականացմանը, հանրային հաստատությունների եւ նման որոշմամբ թույլատրված տնտեսական գործունեություն իրականացնող սուբյեկտներին:

(Թեմայի շարունակությունը՝ 4-րդ էջում)

ՍՈՒՐԲ ԶՍԻՎ

ԳԱՐԵԳԻՆ ԵՐԿՐՈՐԴԻ ՀԱՅՐԱՊԵՏԱԿԱՆ ՍՈՒՐԲ ՊԱՏԱՐԱԳԸ ՍՈՒՐԲ ՀԱՐՈՒԹՅԱՆ ՏՈՆԻ ԱՌԻԹՈՎ

Ապրիլի 12-ին, Հիսուս Քրիստոսի Հրաշափառ Սուրբ Հարության տոնի առիթով, Ա.Ս.Օ.Տ.Տ. Գարեգին Երկրորդ Ծայրագույն Պատրիարք եւ Ամենայն Հայոց Կաթողիկոսը Սուրբ եւ Ամնահ Պատարագ մատուցեց Երեւանի Սուրբ Գրիգոր Լուսավորիչ Մայր եկեղեցում:



Տոնի առիթով, դուրս էր բերվել Հայ եկեղեցու մեծագույն սրբություններից՝ Տիրոջ Կենաց փայտի մատուցումը Խաչը, որով Ամենայն Հայոց Կաթողիկոսը սրբազան արարողության ընթացքում օրհնեց մեր ժողովրդին եւ հայրենիքը՝ հայցելով Բարձրյալի հովանին եւ պաշտպանությունը աշխարհին համավարակի այս ծանր իրավիճակում:

(Շարունակությունը՝ 7-րդ էջում)

ՍՈՒՐԲ ՀԱՐՈՒԹՅԱՆ ՏՈՆԸ ՎԻՐԱՀԱՅՈՒ ԹԵՄՈՒՄ

Ապրիլի 12-ին, Հիսուս Քրիստոսի Սուրբ Հարության տոնի սրբազան արարողություններին թիվապահայ հավատացյալները բարձրախոսների միջոցով մասնակցեցին Սուրբ Գեւորգ առաջնորդանիստ եւ Հավաքարի Սուրբ Էջմիածին եկեղեցիների բակերում՝ աղոթք բարձրացնելով եւ Պատարագն ունկնդրելով:

Սուրբ Գեւորգ եկեղեցու բակում հավատացյալների շրջանում էին նաեւ Վրաստանում Հայաստանի դեսպանության խորհրդական Արտակ Գրաբսկին եւ տեղեկատվական եւ հասարակության հետ կապի բաժնի վարիչ Հարություն Հայրապետյանը, ինչպես նաեւ «Վրաստան» թերթի խմբագիր Վան Բայբուրդյանը:

(Շարունակությունը՝ 8-րդ էջում)

ՎՐԱՍՏԱՆԻ ԴԵԿԱՎԱՐՆԵՐԻ ԸՆՈՐՀԱՎՈՐԱՆՔՆԵՐԸ ՎԻՐԱՀԱՅՈՒԹՅԱՆԸ

Վրաստանի նախագահ Սալոմե Ջուրաբիշվիլին, Վրաստանի վարչապետ Գիորգի Գախարիան, խորհրդարանի նախագահ Արչիլ Թալալվաձեն վիրահայ հավատացյալներին շնորհավորեցին Սուրբ Հարության տոնի՝ Սուրբ Զատիկի կապակցությամբ:

«Հայաստանյայց Առաքելական Սուրբ եկեղեցու Վիրահայոց թեմին, ազգությամբ հայ մեր քաղաքացիներին շնորհավորում ենք Սուրբ Հարության տոնի՝ Սուրբ Զատիկի կապակցությամբ: Ձեզ եւ ձեր ընտանիքներին մաղթում ենք առողջություն եւ ուրախություն: Համոզված ենք, որ համատեղ ջանքերով կհաղթահարենք համընդհանուր մարտահրավերը»,- ասված է Վրաստանի վարչապետ Գիորգի Գախարիայի շնորհավորական ուղերձում:

ՎՐԱՍՏԱՆ - ՀԱՅԱՍՏԱՆ

ՎՐԱՍՏԱՆԻ ԵՎ ՀԱՅԱՍՏԱՆԻ ՆԱԽԱՊԱՆՆԵՐԻ ՀԵՌԱՎԱՐ ԶՐՈՒՅՅՈՒՆ

Ապրիլի 15-ին Վրաստանի նախագահ Սալոմե Ջուրաբիշվիլու եւ Հայաստանի նախագահ Արմեն Սարգսյանի միջեւ կայացավ հեռավար զրույց:

Վրաստանի եւ Հայաստանի նախագահները խոսեցին կորոնավիրուսի վարակի դեմ երկու երկրներում իրականացվող միջոցառումների, ձեռնարկվող կանխարգելիչ քայլերի եւ համավարակի հետեւանքները հաղթահարելուն ուղղված միջոցառումների մասին: Զրուցակիցները հատկապես ընդգծեցին ստեղծված բարդ իրավիճակում երկու հարեւան եւ բարեկամ երկրների միջեւ բոլոր մակարդակներով սերտ փոխգոր-



ծակցության հաստատումն ու մշտական շփումները՝ շեշտելով, որ նման ճգնաժամային պահերին առավել քան երբեք է կարեւոր են դառնում համակարգված միջոցառումների իրականացումն ու համատեղ ջանքերի ներդրումը:

(Շարունակությունը՝ 2-րդ էջում)

ԿԱՅԱՆՎ ՎՐԱՍՏԱՆԻ ԵՎ ՀԱՅԱՍՏԱՆԻ ԽՈՐՀՐԴԱՐԱՆՆԵՐԻ ՆԱԽԱՊԱՆՆԵՐԻ ՀԵՌԱԽՈՍԱԶՐՈՅՑ

Ապրիլի 14-ին Վրաստանի խորհրդարանի նախագահ Արչիլ Թալալվաձեն հեռախոսազրույց ունեցավ Հայաստանի Ազգային ժողովի նախագահ Արարատ Միրզոյանի հետ:

Երկու երկրների օրենսդիր մարմինների ղեկավարները քննարկեցին COVID-19-ով պայմանավորված իրավաճակը, ձեռնարկված միջոցառումներն ու անհրաժեշտությունները:

Զրուցակիցները խոսեցին նաեւ կորոնավիրուսի համավարակով պայմանավորված տնտեսական մարտահրավերների մասին: Գործընկերները քննարկեցին համավարակման պայմաններում խորհրդարանների գործունեությանը առնչվող հարցեր եւ փոխաջակցության պատրաստակամություն հայտնեցին:



ԱՐՉԻԼ ԹԱԼԱԿՎԱԶԵՆ ԽՈՐՀՐԴԱՐԱՆ

Արչիլ Թալալվաձեն հայ ժողովրդին մաղթեց առողջություն եւ հաջողություններ կորոնավիրուսի դեմ պայքարում:

